



# Naupangte' Laisiangtho

Pulakna

## Pasian In Na Khempeuh A Piansak Lai



A Gelh: Edward Hughes  
A Lim lak: Byron Unger; Lazarus; Alastair P.  
A Kaikhawm: Bob Davies; Tammy S.  
A Let: S. Thangboi Hatlangh  
A Hawmkhia: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2022 Bible for Children, Inc.  
Phalna: Hih tangthubu zuaksawn ding ahieh kei buang  
leh teisawn leh khetkhiat kiphah hi.

1

Eite a hong piangsak kua ahi hiam? Laisiangtho in leitung mihingte piankhiatna thu hong hilh hi. Tang lai in, Pasian in mihing masapen bawlin, a min dingin Adam a phuak hi. Pasian in leivui panin Adam a bawl hi. Pasian in Adam nuntakna hu mop a, tua ciangin amah a nungta mihing a hong suak hi. Huan etlawm mahmah Eden kicihna mun ah amah a teng hi.



2


Pasian in Adam a bawl ma-in, a lamdang nate tawh a kidim, a etlawm mahmah Leitung a bawl hi. Mual leh guam, paaknamtuite leh singkung sangte, a etlawm mahmah vasate leh khuaitte, ngapite leh tengkolte, cih bangin khat khit khat aban abanin a bawl hi. Tua hi a, Pasian in na khempeuh



bawl ahih manin na khempeuh  
a hong piang hi.

3


A kipat cil, Pasian in na khat zong a piansak ma-in, Pasian cih loh bangmah dang a om kei hi. Mihing ahi a, mun leh nate ahizongin a om nai kei hi. Khuavak kici zong om lo a, khuamial kici zong om lo hi. Lamsuk-lamto cih zong om lo a, zanni leh tunni cih bang zong na om lo hi. Pasian bek mah na om a, amah in kipat hun - abul cih bang nei tuan se lo hi. Tua ciangin Pasian in a na hong sem hi.



A kipat cilin Pasian in  
vantung leh leitung a  
piangsak hi.


4

Leitung in lim le meel nei loin a awngthawpi a hihi. Tuipi tung tengah khua mial bikbek hi. Tua ciangin Pasian in, "Khuavak om hen," a ci hi.




5

Tua ciangin khuavak hong om hi. Pasian in khuavak pen 'sun' ci a, khuamial pen 'zan' ci hi. Nitak hong bei in, zingsang hong tunga, nikhatni a hihi.




6

A ninihni in Pasian in tuipi lian leh tuipi neute sunga om tuite leh dil a om tuite khempeuh van kuumpi zangin vantungah kholkhawm hi. A nithumni in, Pasian in "lei keu kidawk hen," ci hi. Tua mah bangin a piang hi.



7

Tua ciangin Pasian in lopate leh paakte, bi leh singkung tuamtuamte hong pianna dingin thu pia leuleu hi. A thupiak bangin lopate, paakte, bi leh singkungte hong piang hi. Nitak hong bei in, zingsang hong tunga, a nithumni a hihi.




8

Tua ciangin Pasion in Ni, Kha leh Aksi tampi simzawh lohte a piangsak hi. Nitak hong bei in, zingsang hong tunga, a nilini a hihi.



9

Tuipi sunga ganhingte, ngasate leh vasate pen Pasion in a piangsak lai dingte a hihi. A ni nga ni in tuipi sunga ngasa golte leh ngasa neute, leh khe nih nei vasa golte leh a ham ciauciau vasa neute a piangsak hi. Pasion in leitung, tuipi leh vantung ah nuamsataka a teng dingin ngasa namcin leh vasa namcin a piangsak hi. Nitak hong bei in, zingsang hong tunga, a ningani a hihi.




10

Tua khit ciangin Pasion in, "nuntakna a nei ganhingte leitung in piangsak hen," a ci hi. Tua ciangin innsa, gamsa leh a bokvak ganhing nam khempeuh hong piang hi. A lam pai cianga leitung a lingsak - Sai gol pipite leh a manlah den Buite, a kheltat mahmah Zawngte leh a lusu duauduau Awlete, a tawn delhdelh Lungnote leh amaitai mahmah Zuleite, a ngawng sang mahmah Sangawngsaute leh Zawhnggeu tai khiankhianta, leh ganhing nam khempeuh tua ni in Pasion in a piangsak hi.



11

Nitak hong bei in, zingsang hong tunga, a nigukni a hihi.



12

Nigukni in Pasion in a tuampi khat - a hoih phadiak khat a piangsak hi. Tu in na khempeuh mihing a dingin kimanta hi. Lo ah mihingte neek ding leh ganhingte neek ding an om ta hi.




13

Tua ciangin Pasion in, "Leitung a om khempeuh tunga thunei dingin eima lim, eimah hong sunin mihing bawl ni," a ci hi. TUA AHIH MANIN PASIAN IN AMA LIM BANGIN MIHING PIANGSAKIN, PASIAN LIM BANGIN AMAH A PIANGSAK HI.



14

Pasian in Mipa hopihin, "Na ut bangbangin huan sunga om khempeuh na ne thei ding hi. Ahih hangin a pha leh a sia theihna singgah pen na nei kei ding hi. Na nek peuhmah leh na si ding hi," a ci hi.



15

Tua ciangin Topa Pasian in "Mipa amah guak a om ding hoihlo hi. Amah a huh ding khat ka bawlsak ding hi," a ci hi. Topa Pasian in gamsung ganhing khempeuh leh huih lak vasa khempeuh Mipa' kiangah hong paipih hi. Mipa in tua ganhing leh vasa nam khempeuhthe a min ding phuhsak hi. Ahizongin tua ganhingte leh vasate sungpanin Mipa' kituahpih ding lawm khat zong omlo hi.



16

Tua ahih ciangin Topa Pasian in Mipa ihmut suak mahmah sak a, ama ihmut kalin a nakguhte khat lain tua nakguh panin Numei a bawl hi. Pasian' bawl tua Numei pen Mipa' lawm dingin kituak lian hi.



17

Na khempeuh niguk sungin Pasian in piangsak hi. Tua ciangin a nisagihni thupha pia a, tawlngakni dingin a siansuah hi. Eden huan sungah Mipa leh a zi ahi, Eve in Pasian' thu mangin nuamsatakin a om uh hi.



18

Pasian In Na Khempeuh A Piansak Lai

Pasian kammal pana a hong suak hih tangthute a nuai a Laisiangtho

munte ah kimu thei hi

Piancilna A Lian 1-2

"Na thu gentelna in Khuavaksak hi."  
Late Nambat 119:130

19



1



60

20

Hih Laisiangtho tangthu in nangma' theih ding a lunggulh, eite a hong piangsak, a lamdang i Pasion' thu gen belin nei hi.

Pasion in mawhna hia a ngaihsut na hoih lo tampi i sep lamtak a hong thei hi. Mawhna thaman in sihna hi a, ahizongin Pasion in nang hong it mahmah ahih manin, nangma' mawhna hanga singlamteh tunga sihna a thuak dingin a tapa Jesu a hong sawl hi. Sihna panin Jesu kinungtasakkik a, tu-in ama inn ahi - vantunggam ah a om hi. Na mawhna khempeuh hong kimaissak theihna dingin na lungsim khempeuh tawh Jesu um inla, na mawhnate pulak in. Tua hi leh na kiangah amah hong pai-in na sungah hong teng ding a, a tawntungin amah tawh nuam nasa khawm ding uh hi.

Hih thu pen thuman hi, ci-a na up leh Pasion kiangah hih bangin thungen in: Kong it Jesu aw, a nungta Pasion na hihi, cih ka hong um hi. Keima' mawhna hangin sihna a thuak dingin mihing khat in na hong suak a, tu in gualzo in na thokik zo hi. Tua ahih manin nuntaknathak ka neih theihna ding leh a tawntung in na kiangah ka hong om theina dingin ka sungah hong teng inla, ka mawhnate hong maisak in. Nangma' ta banga nungta ding leh a tawntung in nangma' thu ka man theihna dingin kei hong huh in. Amen.

Laisiangtho sim in la, Pasion tawh a nisimin kiho un! Johan 3:16